

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), člana 54. stava (1) tačke b) i člana 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na 36. sjednici, održanoj 5. 5. 2021. godine, pod tačkom 18, donijelo je

ZAKLJUČAK

1. Zadužuju se Ministarstvo sigurnosti Bosne i Hercegovine, Direkcija za koordinaciju policijskih tijela Bosne i Hercegovine i Agencija za pružanje usluga u zračnoj plovidbi – BHANSA, institucije u okviru kojih je propisana obaveza uspostavljanja jedinica interne revizije, da u što kraćem roku preduzmu i okončaju sve potrebne radnje vezano za usklađivanje svojih pravilnika o unutrašnjoj organizaciji u dijelu koji se odnosi na internu reviziju s relevantnim propisima.
2. Zadužuju se Ministarstvo pravde Bosne i Hercegovine, Ministarstvo civilnih poslova Bosne i Hercegovine, Ministarstvo vanjske trgovine i ekonomskih odnosa Bosne i Hercegovine, Sud Bosne i Hercegovine, Ministarstvo sigurnosti Bosne i Hercegovine i Direkcija za koordinaciju policijskih tijela Bosne i Hercegovine, institucije u okviru kojih je propisana obaveza uspostavljanja jedinica interne revizije, a koje još uvijek nisu u potpunosti kadrovski popunile jedinice interne revizije osobljem interne revizije, da zajedno s Ministarstvom finansija i trezora Bosne i Hercegovine osiguraju sredstva i provedu procedure zapošljavanja internih revizora u 2021. godini.
3. Zadužuje se Agencija za pružanje usluga u zračnoj plovidbi – BHANSA, u okviru koje je propisana obaveza uspostavljanja jedinica interne revizije, da osigura sredstva i provede procedure zapošljavanja internih revizora u 2021. godini.
4. Zadužuju se rukovodioci jedinica interne revizije i interni revizori da se u obavljanju svojih radnih zadataka u potpunosti pridržavaju metodologije i uputstava Centralne harmonizacione jedinice Ministarstva finansija i trezora Bosne i Hercegovine i da o tome blagovremeno izvještavaju Centralnu harmonizacionu jedinicu Ministarstva finansija i trezora Bosne i Hercegovine.
5. Zadužuje se Centralna harmonizaciona jedinica Ministarstva finansija i trezora Bosne i Hercegovine da metodologijom za rad internih revizora u institucijama Bosne i Hercegovine propiše rokove za sačinjavanje strateških i godišnjih planova rada interne revizije.

6. Zadužuje se Centralna harmonizaciona jedinica Ministarstva finansija i trezora Bosne i Hercegovine da kroz realizaciju projekta „Unapređenje javne interne finansijske kontrole u Bosni i Hercegovini“ – (PIFC 3), koji se finansira iz sredstava IPA programa EU za Bosnu i Hercegovinu, osigura aplikantima softverska rješenja koja omogućavaju planiranje, vršenje i izvještavanje o procesima interne revizije zasnovana na najboljim praksama revizije, kako bi se stvorili uslovi za unapređenje sistema interne revizije i uvođenje sveobuhvatne kontrole kvaliteta funkcije interne revizije u institucijama Bosne i Hercegovine.
7. Zadužuju se institucije Bosne i Hercegovine i zaposleni u jedinicama interne revizije da osiguraju i pruže svu neophodnu podršku projektu „Unapređenje javne interne finansijske kontrole u Bosni i Hercegovini“ – (PIFC 3) i Centralnoj harmonizacionoj jedinici Ministarstva finansija i trezora Bosne i Hercegovine na uvođenju i primjeni aplikativno-softverskih rješenja za internu reviziju.
8. Zadužuje se Centralna harmonizaciona jedinica Ministarstva finansija i trezora Bosne i Hercegovine da donese potrebne metodološke dokumente kojim će biti uređen način i postupak provođenja kontrole kvaliteta interne revizije u institucijama Bosne i Hercegovine.
9. Zadužuju se Ministarstvo finansija i trezora Bosne i Hercegovine i Centralna harmonizaciona jedinica Ministarstva finansija i trezora Bosne i Hercegovine da ovaj izvještaj dostave Parlamentarnoj skupštini Bosne i Hercegovine.
10. Ovaj zaključak stupa na snagu danom donošenja i neće se objavljivati u Službenom glasniku BiH.

Broj: 05-07-5-1318/21
Sarajevo, 5. 5. 2021. godine



Predsjedavajući
Vijeća ministara Bosne i Hercegovine
Dr. Zoran Tegeltija